



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

89. Per mensem Martium, quo Christus est crucifixus quâlibet sextâ feriâ flagellatione carnem suam affligit, Octavius Cajetanus, Siculus.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

150 SOCIETAS IESV

mortiferam fore augurabatur. Igitur se viatico præmunivit: postridiè sub noctem, quam sibi fore postremam asse- rebat, concessit ad lectum, & eâ in col- loquiis, de CHRISTI CRUCIATIBVS transactâ, mane diei xxvi. Junij, Anno salutis M. D. LXVII. inter repetita MA- RIA ac IESV dulcissima nomina sanctam animam exhalavit.

Epist. Japon. Elog. Vit. B. S.

IX.

AMATOR CRUCIFIXI

Per mensem Martium, quo Christus est Crucifixus, qualibet sextâ feriâ flagel- latione carnem suam affligit.

89.
OCTAVIUS
CAIETA-
NVS SICH-
lus.

OCTAVIUS CAIETANVS, Siculus, cum juvenis oraret aliquando Sy- racusis in templo Societatis, CHRI- STVM Dominum CRUCIFIXVM in altari conspexit, qui, quò propius accede- bat, eò grandior fieri videbatur. Eo vi- so commotus, Societatem IESV expetiit. Ad quod CRUCIFIXVM capite annuisse non-nemo scribit: aut visum annuere. Ut autem grati animi signum aliquod erga CRUCIFIXVM exhiberet, Octavius, sextâ quâque feriâ per Martium men- sem, nec non omnibus BB. Virginis per-
vigiliis,

AMATRIX CRUCIFIXI. 151

vigiliis, Nascentis quoq; & Circumcisi Domini, Principum Apostolorum Petri & Pauli, aliorumque suorum Tutelarium longâ se flagellatione cruciabat.

Vita in Religione laudabiliter, & cum sanctitatis opinione peractâ multis annis, in morbum incidit, quo tandem ad extrema perductus, inter pia colloquia, Sacramentis jam instructus, magnis in BB. Virginem MARIAM, & in CHRISTI D. PASSIONEM exhibitis pietatis indicis suavissimè obdormivit, Panormi die VII. Martij, Anno salutis M. DC. XX. ætatis LIV. Religionis XXXVIII.

Litt. Sicula, Coll. Panor. Eleg. Vit. B.S. Ioannes Rhò Opusculo de ineptiis libell. Pseudo-Constantiniani p. 205, ubi plura de Octavio.

X.

AMATOR CRUCIFIXI

Nocte caput suum cilicio obvolvitur, spinam Crucifixi Coronam memoriâ recolens.

DIDACVS MARTINVS, Hispanus, ne Caput, in quo, quasi in quadam totius corporis arce mens habitat, per somni occasionem, eadem sopita, sine aliqua pietatis erga CRUCIFIXVM memoriâ noctu remaneret, diligentissimè cavit. Qui enim ab eâ saluberrimâ cogitatione dies totos non discederet,

90.
DIDACVS
MARTINVS
HISPANUS.